

ODLUKU

O ODOBRAVANJU IZDVAJANJA SREDSTAVA TEKUĆE REZERVE BUDŽETA OPĆINE HADŽIĆI ZA 2010. GODINU - ZA UDRUŽENJE DIPLOMIRANIH KRIMINALISTA OPĆINE HADŽIĆI

Član 1.

Na ime finansijske pomoći u radu UDRUŽENJA DIPLOMIRANIH KRIMINALISTA OPĆINE HADŽIĆI, odobrava se isplata sredstava u iznosu od 2.500,00 KM (dvijehiljadepetstotina KM).

Član 2.

Sredstva iz člana 1. ove Odluke odobravaju se na teret pozicije: Tekuća budžetska rezerva Budžeta Općine Hadžići za 2010. godinu.

Član 3.

Služba za privredu, finansije i inspeksijski nadzor će sredstva iz člana 1. Ove Odluke uplatiti UDRUŽENJU DIPLOMIRANIH KRIMINALISTA OPĆINE HADŽIĆI na transakcijski račun broj 3389002200613402 otvoren kod UniCredit banke.

Član 4.

Za realizaciju ove Odluke zadužuje se Služba za privredu, finansije i inspeksijski nadzor.

Član 5.

Ova Odluka stupa na snagu danom donošenja, a objavit će se u "Službenim novinama Kantona Sarajevo".

Broj 02-14-11-6524-1/10

2. augusta 2010. godine
Hadžići

Općinski načelnik
Hamdo Ejubović, s. r.

OPĆINA ILIDŽA

Općinski načelnik

Na osnovu člana 46. Zakona o prostornom uređenju ("Službene novine Kantona Sarajevo", broj 7/05) i člana 55. Statuta Općine Ilidža ("Službene novine Kantona Sarajevo", broj 5/98), općinski načelnik, 2. augusta 2010. godine, verificovao je i donio

ODLUKU

O KOREKCIJI REGULACIONOG PLANA "OSIJEK"

(Poslovni objekat - Lekić)

Član 1.

Utvrdjuje se Korekcija Regulacionog plana "Osijek", ("Službene novine Kantona Sarajevo", broj 14/04), u daljnjem tekstu: Korekcija Plana.

Član 2.

Korekcijom Plana utvrđena je građevinska parcela za izgradnju objekta-hala, na građevinskim parcelama označenim kao k.č. 860/11 i 860/12 k.o. Osijek, Općina Ilidža a prema sljedećim urbanističko-tehničkim uslovima:

- Regulaciona i građevinska linija objekta hale definisana je u grafičkim prilogima "Mreža regulacionih i građevinskih linija", "Situacija - planirano stanje", Planu parcelacije i analitičkoj obradi građevinske parcele.
- Planirana maksimalna građevinska linija objekta hale iznosi 15,25 x 23,25 metara. Spratnost objekata je prizemlje, a ukupna visina objekta u odnosu na kotu saobraćajnice, ne smije preći max. visinu od 10,50 metara. Max. BGP objekta iznosi 320 m².
- Objekat hale mora ispoštovati sve tehničke standarde, odnosno sigurnosno tehničke mjere, i mjere zaštite od požara i eksplozije, koje su zakonom propisane za ovu vrstu objekata, kao i sve zakonom propisane uslove zaštite prirodne sredine i okoliša.

- Korekcijom Regulacionog plana "Osijek" naznačen je i kolski pristup postojećim stambenim objektima, kao i objektu hale.

Član 3.

Korekcija Plana je rađena za fazu urbanizma i separat "Analitička obrada građevinskih parcela", a obaveza investitora je da za faze komunalne infrastrukture i saobraćaja izvrši usaglašavanje Korekcije Plana sa Idejnim rješenjima, koja su sastavni dio Regulacionog plana "Osijek", te da pribavi saglasnost nadležnih javnih komunalnih preduzeća.

Član 4.

Korekcija Plana sastoji se iz tekstualnog dijela i grafičkih priloga: Izvod iz Regulacionog plana "Osijek" - 1:1000; Korekcija Plana - "Mreža regulacionih i građevinskih linija" 1:500; Korekcija Plana - "Situacija-planirano stanje" 1:500; Korekcija Plana - "Plan parcelacije sa analitičkom obradom građevinskih parcela" 1:500.

Tekstualni i grafički prilozi Korekcije Plana, sastavni su dio Regulacionog plana "Osijek" ("Službene novine Kantona Sarajevo" broj 14/04).

Član 5.

Po jedan primjerak ovjerene Korekcije Plana (tekstualni i grafički dio) nalazi se na stalnom javnom uvidu i čuva se u Službi dokumentacije Općine Ilidža, Zavoda za planiranje razvoja Kantona Sarajevo, i Ministarstvu prostornog uređenja i zaštite okoliša Kantona Sarajevo.

Član 6.

Ova Odluka stupa na snagu narednog dana od dana objavljivanja na oglasnoj ploči Općine Ilidža, a naknadno će se objaviti u "Službenim novinama Kantona Sarajevo".

Broj 03-23-2744/10
2. augusta 2010. godine
Ilidža

Općinski načelnik
Amer Čenanović, s. r.